

# جريدة محاکمة

١٢٩٠

## مسائل

نومرو	جمادی الاولی	سنه	مارت	سنه	صفیحه
١٩٢	٢٦	١٣٠٠	١	١٢٩٩	١٥٢٩

\* اشبو غزته بهر هفته صالی کونلری چیقار . سنه لکی مجیدی اچمه التمش غروشدر بهر نسخه سی التمش  
 \* پاره مجیدی به اوله رق هر یرده صاتیلور . درج اولنه جق اعلاناتک بهر سطرندن ایکی غروش النور .  
 \* سنه لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایتلیدر

واعتنا اولنمی خصوصنک لازم کلنلره امر و تنبیهی  
خصوصنه هم

( یوز طقسان برنجی نومرولی جریده محاکمه )  
( مندرج نظامنامه نک بقیه سی )

اوتوز برنجی ماده ساخته تمغا و پول یاپانلرو بیلهرک  
صاتانلر و سورمکه سعی ایدنلر حقنده جزا قانوننامه  
همایوننک یوز قرق طقوزنجی ماده سی حکمنجه  
مجازات اولنور

اوتوز ایکنجی ماده رسم تمغا اداره مخصوصه سی  
رسومات امانت جلیله سنک تحت نظارتنده اولوب تمغا  
ایله پوللرک در سعادتده و طشره لده زده بولنه جنجی  
اداره مخصوصه سی طرفندن غزته لر واسطه سیله  
اعلان اولنه جق و بو اصولک هنوز اجرا اولنمدیغی  
محلرده تنظیم اولنان اوراق و سندات حقنده اون  
بشکی ماده موجبجه معامله اولنه جقدر

( عدلیه نظارت جلیله سنندن فی ٧ ربیع الاول )  
( سنه ١٣٠٠ وفی ٥ کانون ثانی سنه ٩٨ )  
( تار یخبله ولایات والویه مستقله منصرفلرینه )  
( یازیلان عموم صورتیدر )

طقسان سکر سنه مالیه سی ابتدا سنندن اعتباراً امور  
حسابیه عدلیه نک مال قلمرینه نقلی جهته بو باده  
ولایات والویه محاسبه لرندن تنظیمی ایجاب ایدن  
جدوللر ایچون دیوان محاسبات قرار یله ترتیب و طبع  
ایتدیر یلوب بر نسخه سی لغاً ارسال صوب ساهی  
آصفانه لری قلنان نمونه به تطبیقاً سنه مذکوره  
مارتندبرو متداخل جداولک سر یعیاً و بعدما  
کوندریله جک اولنلرینک دخی مدت معینه سی ظرفنده  
تنظیم و ارسالنه و اچیق اوله رق کوندر یلان مطبوع  
نسخه لر دن لزومی مقدارینک محاسبه مرکز یه ده  
توقیفیه قصورینک ملحقاته توزیع و اسپاننه دقت

اوتوز اوچنجی ماده رسم تمغا معاملاتی اداره مخصوصه سنه محول اولوب اشبو قانونک حکمنه مغایر وقوعبولان احوالک قوانین ونظامات جاریه دائره سنده تحقیقوله محاکم نظامیه حضورنده مدافعه سنه مدعی عمومیلر مأمورد اشبو تمغا قانونک اجرای احکامی ایچون دوائر بلدییه و پولیس طرفندن اداره به معاونت اولنه جقدر اوتوز دردیجی ماده اشبو قانونک اجرا سنه مالیه نظارتی مأمورد

اوتوز بشنجی ماده اشبو قانون اعلانی کوندن اعتباراً فی ۱۶ جمادی الاولی سنه ۹۲ وفی ۸ حریران سنه ۹۱ تاریخلی رسم تمغا نظامنامه سنک مقامنه قائم اوله جقدر

{ مواد موقته }

اوتوز النجی ماده نظاماً لازم کلان رسمی ایضا اولنماش اولان اوراق وسندات اداره مخصوصه سنه ابراز اولنه رق تمغاندیراق اوزره اصحابنه اشبو قانونک تاریخ اعلاندن اعتباراً اوچ ماه مهل اعطا اولمشدر و بو مثللو اوراق وسندات اداره مذکوره به کتورلدکده اوزرلینه یالکزه عادی رسمنه معادل پول یاشدیر یله رق تاریخ ابرازی وضع اولنه جق و اداره مهر یله تمهیر قلنه جقدر انجق اولجه محاکمه اولنوبه جزای نقدی حکم اولنان اوراق وسندات بو قراردن مستنادر

اوتوز یدنجی ماده اشبو قانونک تاریخ نشرندن اعتباراً برسنه ختامنه قدر موجود اولان اوراق صحیحه نک استعمالی جائزدر فقط بونلردن قیمتی سنداتک مقدار مبلغیسنه موافق اولیانلرک نقصانی قیمت مخصوصه سنی طولیدر جق عدد ونسبتده اوراق النوب سنندک زیرینه یاشدیر یله جق و اشبو سند شو قدر عددورقه صحیحه علاوه سبیله یازلدی دیو اصل سنده شرح

و یر یله رک امضا و تمهیر ایدیله جکدر وعلاوه اولنان سندات تمغارینک زیرینه دخی فلان مادیه دایر فلان تاریخلو سنده مر بو طدر عباره سی یاز یلوب سنندی تمهیر و یا امضا ایدنر طرفندن زبری امضا و یا خود تمهیر ایدیله جکدر

فی ۶ صفر سنه ۱۳۰۰ وفی ۵ کانون اول سنه ۱۲۹۸

{ ذیل }

ورقه صحیحه نظامنامه سنک تاسیسندن مقدم ورقه مادیه به یازلمش اولوبه شمعی محاکمه ابراز اولنان سندات امر عالی استحصالتنه حاجت اولقسنرین عینی ورقه صحیحه به محرر سندات کچی معمول ومعتبر طوتیله جقدر انجق او مثللو سنداتک حاوی اولدیغی مبلغه کوره اشبو نظامنامه جه لازم کلان رسم نسبی حاملی طرفندن تأدیبه اولنق مشروطدر

{ رسوم مقطوعه تعرفه سی }

{ جنس اوراق }

محاکم ومجالسندن بر معین مبلغی حاوی اولیه رق اعطا اولنان اعلام وحکم مضبطه لری ایله اداره مجلسلرندن در علیه به وسائر محله ره خطاباً اصحاب مصالح یدرینه و یر یلان مضبطه رک

۱۰ هر نوعی

۰۳ قید صورتی

اخبار نامه وحواله سنندی ونول مقاله سی

۱۰ ونقلیه سنندی

۲۰ بین الناس تعاطی اولنان مقبوض و ابراستدلی

۱۰ پوسته وتعارف مقبوض سنندلی

۳۰ امانت سنندلی

کفالت سنندلرینک وتجارت مقاله نامه لرینک

وقوم پرو مسولرک ومواد تجار به وحقوقیه به

۱۰ متعلق شرکت ومقاوله نامه لرینک هر بر نخه سی

۰۲ رکاب همایون شاهانه به تقدیم اولنان عرضحال

۰۱ عادی عرضحال

قیدییه ومرور به وسأره علم وخبرلری وایچار

۰۱ واستیجار مقاله ورقه لری

۱۰ اذنامه

۲۰ مراسمله

۰۲ غزیه وافرادیپننده یایلان اعلاننامه لر

۲۰ چک

قامبو ویا خود اسهام اشترا سنه وفر وخنه دایر

بور دورولر ونوطه تعبیر اولنسان پوصله لر

۲۰ وحساب پوصله لری وحساب جاری

۰۳ مصالح ذاتیه به دایر رسماً یازیله جق تذکره وتقریر

۰۲ هر نوع پروتستورک هر بر نخه سی

۲۰ بیور پول علم وخبرلری

( محاکمه تمییر جزا دائره سنندن و یر یلان فی )

( ۲۶ ربیع الاول سنه ۱۳۰۰ وفی ۲۴ کانون )

( اول سنه ۹۸ تاریخیه وسکزیوز الی طقوز )

( نومرو لی اعلامک صورتیدر )

یمره ناحیه سننه تابع راش قریه لی حاجی نمل اوغلی

حسن کوزینی الیه ضرب وجرح ایلدیکی ادعا اولمشندن

طولایی مظنون علیه اولان حاجی صساوه اوغلی

دیمترینک طر بزون سنجانغی بدایت محاکمه سنجه اجرا

قلنان محاکمه سی اثناده مر قوم دیمتری کندی علیه نده

شهادت ایدن قهوه چی امین اغایه شهادت زوری

افترا ایتمی جهته هیئت اتهامیه جه جنایتله اتهام

اولمش ایکن مر قوم دیمترینک برائته دایر طر بزون

ولایتی محاکمه استینافیه سنندن و یر یلان فی ۲۹

ربیع الاول سنه ۹۷ وفی ۲۸ شباط سنه ۹۵

تاریخلی ویکرمی الی نومرو لی اعلامک تمییرنی محاکمه

استیناف مدعی عمومیلکی جانبندن مدت نظامیه سی

ظرفنده استدعا ولایحه اغتراضیه دخی اعطا اولمش

ایسنده اولبابده باش مدعی عمومیلک مأموریت

بهیه سنندن و یر یلان فی ۱۱ رمضان سنه ۹۷

وفی ۵ اغستوس سنه ۹۶ تاریخلی والتیوز التمش

بر نومرو لی تبلیغنامه ده کوسترلیدیکی اوزره بو مثللو

افترا ماده لرنده مفتریات واقعه دن طولایی ناموسی

اخلال ایدلمش اولان اشخاص طرفلرندن اول امرده

اقامه دعوی اولنمدقجه مدعی عمومی طرفندن رأسیاً

ادعایه محل کور یله مدیکنه و بوایشه ایسه شاهد زور

ذیلان ومدعی شخصی اولسی لازم کلان مر قوم

امین اغا طرفندن کندوسننه عزو واسناد اولنان افترا دن

طولایی اکیال ناموسی حقیقه بر کونه ادعا وقوع

بولدیغنه ومفتری مر قوم دیمترینک محاکمه استینافجه

دخی برائته حکم ایدلمش و بو مثللو محاکمه استینافدن

صادر اولان برانت حکملری علیه نده اعتراض وقوعی

قانوناً غیر جائز بولمش اولدیغنه مبنی تمییر استدعا سنک

ردینه قرار و یرلدی

( فی ۲۶ ربیع الاول سنه ۱۳۰۰ وفی ۲۴ )

( کانون ثانی سنه ۲۹۸ تاریخلی وسکزیوز قرق )

( بر نومرو سبیله محاکمه تمییر جزا دائره سنندن اعطا )

( قلنان اعلامک صورتیدر )

محاکمه جنایتک فی ۲۰ ربیع الآخر سنه ۹۹ وفی

۳ شباط سنه ۹۷ تاریخلی و یوز بر نومرو لی

اعلامیله اوراق متفرعه سی باش مدعی عمومیلک

مأموریت بهیه سنندن فی ۲۶ جمادی الاولی سنه

۱۲۹۹ و فی ۳ نیسان سنه ۹۸ تاریخلی و بوزسکسان  
 یدی نومرولی تبلیغنامه ایله محکمه تمیز جزا دآره سنه  
 اعطا قلمغله مطالعه اولندی  
 مذکور اعلامده بیع و فروخت ایچون سفینه سنده  
 باروت صاقلامسندن طولای هیئت اتهامیده جنایتله  
 اتهام اولنان ریزلی اوتوز بش یاشنده طورسون  
 قبودان حقنده قانوناً لازم کلان معامله نك ایفاسی  
 مدعی عمومی طرفندن اتهامنامه ایله ادعا اولدیغنه  
 مبنی مرقوم جلب ایله اجرا قلمان محاکمه علینده  
 مغایر نظام اوله رق بیع و فروخت ایتمک ایچون پیره دن  
 باروت الوب درسعادته کتورمش اولدیغی کندو  
 اقراری و امارات ایله ثابت اولدیغندن مرقومک بوفعل  
 ایله مجرم اولدیغنه و بوز التمش التجبی ماده قانونیه  
 ذیلنه توقیقاو بدایت توقیفی اولان طقسان یدی سنه سی  
 تشرین اولنک اون ایکنجی کونندن اعتباراً بعدالتشهر  
 اوج سنه دتله کور که قونلسنه و مذکور سفینه ده ظهور  
 ایدن ایکوز قیه بارونک بهرقیه سی التیشر غروشدن  
 بدلی اولان یک ایکوز غروشک ایکی مثلی اولق  
 اوزره ایکیک درتوز غروش جزای تقدینک باروت  
 نظامنامه سنک اون التجبی ماده سی حکمجه مرقومدن  
 تحصیلنه و اعلام خرجی اولان اوچوز غروشک  
 اخذ و استیفاسنه اکثریتله قرار و بر یله رک تبلیغ  
 اولدیغی کوسترلشدر  
 مذکور تبلیغنامه ده دخی دعوا ی مذکوره نك جریان  
 محاکمه سیله قانونه جهت تطبیقی حقنده حسب الوظیفه  
 اعتراضه محل کور یله مدیکی کبی اخیراً محکوم مرقوم  
 طرفندن اساس ماده حقنده بعض اعتراضی حاوی  
 و بر یلان فی ۲۹ ربیع الآخر سنه ۹۹ تاریخلی  
 لایحه مندرجاتی دخی محکمه جنایتده سبق ایدن افاده سی  
 مرقومده دآر اولوب بو ایسه حکم مذکورک نقصنی  
 استلزام ایدر اسباب قانونیه دن کور یله مدیکندن

مقتضای نظامیسنک اجراسی طلب ایدلشدر  
 سار اوراق دعوی دخی قرائتله تدقیقات تمیزیه به  
 لدی الابتدار خصوص مذکورک جریان ایدن  
 تحقیقات و محاکمه سی اصول محاکمات جزایه قانونه  
 و مزبور طورسون قبودان حقنده لاحق اولان حکم  
 دخی جزا قانوننامه هما یوننه موافق بولمش ولایحه  
 اعتراضیه ده دخی نقض حکمی موجب بر حال کور یله -  
 مامش اولدیغندن مذکور اعلامک تصدیقنه و خرج  
 تعرفه سنک قرقبجی ماده سی موجبجه تمیز اعلامی  
 خرجی اولان التیوز غروشک استیفاسنه و مرقومک  
 تاریخ توقیفنک شهور عریه دن اعتبار اولمشی زومنک  
 اخطارینه اکثریتله قرار و بر لدی

( فی سلخ صفر سنه ۱۳۰۰ و فی ۲۹ کانون )  
 ( اول سنه ۲۹۸ تاریخلی و یدی بوز التمش )  
 ( درت نومر وسیله محکمه تمیز جزا دآره سنندن )  
 ( و بر یلان اعلامک صورتیدر )  
 حلب ولایتی محکمه استیفایه سنک فی ۳ ذی الحجه  
 سنه ۹۸ و فی ۱۴ تشرین اول سنه ۹۷ تاریخلی  
 و اوتوز اوج نومرولی اعلامیه اوراق مترعه سی  
 ولایت مشارالیهها مدعی عمومیلکندن فی ۲۴ صفر  
 منه ۹۹ و فی ۲ کانون ثانی سنه ۹۷ تاریخلی  
 و یکر می سکز نومرولی تحریرات ایله ارسال و باش  
 مدعی عمومیلک مأموریت بهیه سنندن فی ۱۰  
 ربیع الآخر سنه ۹۹ و فی ۱۷ شباط سنه ۹۷  
 تاریخلی و یک ایکوز اوتوز ایکی نومرولی تبلیغنامه  
 ایله محکمه تمیز جزا دآره سنه اعطا قلمغله مطالعه  
 اولندی  
 مذکور اعلامک خلاصه مالی زیتون قضاسی  
 قائمقامی اسبق داود افندی ایله خدمتجیلری مغردج

و حسنینک ضبطیه نفر اتندن زیتونلی طپوز اوغلی  
 ارتینک کیفیت قتلندن طولای مظنون علیه اولملری  
 جهتیه تحت محاکمه به التملری اوزرینه زیتون وقعه  
 اخیره سنندن طولای احسان بیور یلان عفوعومی به  
 داخل بولند قلمری پسانبله اجرای محاکمه رینه محل  
 ( بقیه سی صکره )

اعلامات

اسکداد بدایت محکمه سی حقوق دآره سنندن فی ۵  
 محرم سنه ۹۹ تاریخلی و ایکوز سکسان بش  
 نومرولی اعطا اولنان اعلام موجبجه تبعه دولت  
 علیه نك روم ملتندن متوقاة النقو قادین ورثه سی  
 طودوری و بنا بوطک اسکدارده شیخ جامع شریقی  
 جوارنده ساکنه فاطمه خانمه محکوم به دینلری بولنان  
 لیرا بوز قرق غروش حسابیه التی یک غروشک تحصیلیه  
 ضمنده دایته مزبوره اسکدار بدایت محکمه سی  
 اجرا دآره سنه مراجعتله معامله قانونیه نك اجراسی  
 طلب ایتمش ایسه ده مدیونلردن بنا بوط غیوبت ایتمش  
 و معلوم و معین بر اقامتکاهی اولدیغی کبی کندوسی  
 دخی میدانده بولند یغی جهتله اخبار نامه تبلیغ اولنه مامش  
 اولدیغنه و اعلامات حقوقیه نك صورت تنفیذ و اجرا سنه  
 دآر اولان قانون موقتک یکر می طقوزنجی ماده سنده  
 مدیونک معلوم بر اقامتکاهی اولدیغی و کندوسی دخی  
 میدانده بولند یغی حالده اوج ماه ظرفنده اثبات وجود  
 ایتمسی ایچون اصول محاکمه نظامنامه سنک ماده  
 مخصوصه سنک در دنجی فقره سی موجبجه حرکت  
 اولنه جغی محرر بولنش ایدو کنه بناء مدیون مرقوم  
 بنا بوطه قانوناً تبلیغی اقتضا ایدن اخبار نامه دآره  
 مزبوره دیوانخانه سنه تعلیق ایدلش اولغله مرقوم  
 بنا بوط تاریخ اعلاندن اعتباراً اوج ماه ظرفنده اثبات  
 وجود ایتمز ایسه دیننک ایفاسنده امتناع ایتمش عد

اولنه رق حقنده معامله قانونیه نك اجرا قلمه جغی  
 اسکدار بدایت محکمه سی اجرا دآره سنندن اعلان  
 اولنور فی ۲۱ شباط سنه ۹۸

فطنت خانمک برنجی حقوق دآره سنندن اعطا قلمان  
 فی ۷ تشرین ثانی سنه ۹۸ تاریخلی و ایکوز  
 یتمش ایکی نومرولی اعلام موجبجه محمد حفظی افندی به  
 دینی بولنان مبالغ معلومه نك تسویه سی ضمنده مدیون  
 موی الیهانک متصرف اولدیغی صار یکز جاده سنده  
 چیقر قجی کال الدین محله سنده کائن بر طرفی فرهاد  
 افندی نك التمش یدی نومرولی خانه سی دیگر طرفی  
 یتمش بر نومرولی دکرمان عرصه سی ارقه جهتی  
 باغخانه جاده سی اوکی طریق عام ایله محدود عتیق  
 التمش طقوز و جدید یتمش بر نومرولی قوناغک فوقنده  
 اوج و تختنده ایکی که جمماً بش اوطه وصفه و مخزن  
 و التیوز ذراع مقداری باغچه بی مشتمل سلامتی جهتنه  
 تاریخ اعلاندن اون بش کون صکره بلزایده فروختنه  
 تشبث اولنه جغی درسعادت بدایت محکمه سی اجرا  
 دآره سنندن اعلان اولنور  
 فی ۱۱ شباط سنه ۹۸

عوادیس و رفیق اغوب نام کسنه لر طقسان طقوز  
 سنه سی محرمک یکر می طقوزنجی چهارشنبه کیچه سی  
 ساعت درت راده لرنده کیوه قضاسنه تابع اقتضار  
 ناحیه سی بازارندن عودتله کلکده ایکن ناز یتنه محمله  
 اوکریته چیقارق امته عطار یه ایله بر رأس استرلری  
 اخذ و غضب ایتملرندن ناشی درسعادت هیئت اتهامیه  
 سنندن جنایتله اتهام ایدیلان مصطقی دابی اوغلی  
 زکریانک و جاهاً و فرارده بولنان رفقاسندن دوزجه

قضا سنده کریمت قریه سی ساکن لرندن اسحاق اوغلی صالح و حسین اوغلی محمودک اصول محاکمات جزایه قانون موقتنک اوچبوز یتیش برنجی ماده سی موجبجه غیاباً از میر بدایت محکمه سنجه اجرا قلنان محاکمه لرنده جزا قانونامه هما یونک یوز التمش ایکنجی ماده سی ذیلی احکامنه توفیقاً بشر سنده مدتله وضع کورک اولنلرینه حکم اولنغله ایجابی بالاجرا اعلان کیفیتیه ابتدار قلندی

فی ۳۰ ربیع الاول سنه ۱۳۰۰ و فی ۲۸ شباط سنه ۹۸

قرتال قضا سنده تابع مالیه قریه سی ساکن لرندن و تبعه دولت علی دنگ روم ملتندن پنا بوط بوجو اوغلاری عتکلی و نیقولانک قرتال بدایت محکمه سندن اعطا قلنان برقطعه اعلام موجبجه هکبه لی اطه سی ساکن لرندن و تبعه دولت مشار الیه ملک ملت مر قومه نسوانندن مار یطه بنت دیمتری لئودای نام خاتونه دینلری بولنان مبالغ معلومه نیک تسویه سی ضمنده مدیونان مر قومانک متصرف اولدقلری مذکور مالیه قریه سنده واقع اون سکرز نومرولی بر باب خانه ایله صوغانلق دره سنده یکریمی التی و یکریمی یدی نومرورد بر قطعه ترلا وفنده لوق و تحت کور پری جوارنده بش والتی و یکریمی اوچ و یکریمی درت و یکریمی بش نومرورده ایکی قطعه ترلا ایله اوچ قطعه فنده لوق واسکدار جاده سنده او توز التی نومرورده برقطعه بوستان واسکی مالیه جوارنده اون طقوز نومرورده و یکریمی نومرورده ایکی قطعه ترلا و ماتیه طاغنده یکریمی بر نومرورده برقطعه ترلا که جمعاً اون ایکی قطعه ترلا وفنده لوق و بوستان و خانه ده حصه شایعه لری تاریخ اعلانن اعتباراً اون بش

کون صکره فروخته تشبث اولنه جنی اعلان اولنور  
فی ۸ شباط سنه ۹۸

متوفی عزت افندی ورته سی مصطفی جیل بک ایله فاطمه دلبر و عایشه خانم لک اوروج نام کسنه به اولان دیون محکومه زینک تسویه سی چون متوفای مومی الیهک متصرف اولوب ارثا مومی الیهک انتقالی لازم کلان طو بخانه ده مصطفی اغا محله سنده لوله جیلر زقاندده او توز طقوز نومرولی بر باب لوله جی دکابله قرتال قضا سنده تابع طوزله قریه سنده آق طپراق مزارلغی موقعنده برقطعه و دوه باغ درنده برقطعه و دکر من اوستی نام محله برقطعه و باندروز موقعنده برقطعه ولیمان یارینک چفته سرو بسنده برقطه که جمعاً بش قطعه ترلا و باغ بوندن مقدم موقع مزایده به قونیه رق عثمانلی ایراسی یوز غروش حسابیه سالف الذکر دکان بیک بشیوز و ترلا ایله باغ دخی اوچیک اوچبوز غروش بدلر ایله طالبی عهده سنده قلش و تاریخ اعلانن اعتباراً او توز برکون یعنی کله جک مارتک اون یدنجی پنجشنبه کونی ساعت اون قدر یوزده بش ضم قبول اولنهرق ذکر اولنان یوم و ساعتن صکره ارتق هر نه ضم وقوع بولور ایسه قبول اولنمیوب قرار قطعیمی و بر یله رک طالبی عهده سته کچورلمسی مقرر بولنش اولدیغندن یوزده بش ضمیمه املاک مذکوره به طالب اولنلرک ودها ز یاده معلومات المی استیانلرک مدت مر قومه ظرفنده محکمه تجارت اجرا دائره سنه مراجعت الملری اعلان اولنور  
فی ۱۵ شباط سنه ۹۸

فضیلتلو محمد فائق افندی نیک ایکنجی حقوق دائره سندن اعطا قلنان فی ۲۶ شعبان سنه ۹۸ تاریخلی اعلام موجبجه اسماعیل حقی افندی به دینی بولنان مبالغ معلومه نیک تسویه سی ضمنده میر مومی الیهک سلطان سلیم جوارنده جبه جی محله سنده اسماعیل اغا جامع شریفی زقاندده کائن بش نومر و ایله مر ق التمش ذراع مقداری باغچه محلینده بولنان اوچ ربع حصه سی و محل مذکورده کائن تخمیناً ایکبوز ذراع مقداری عرصه او زرتنه مبنی یدی نومر و ایله مر ق اخور محلیک تمامی و محل مذکورده کائن تخمیناً بشیوز ذراع مقداری عرصه ده بولنان اوچ ربع حصه سی بوندن اقدام مزایده به قونیه رق لیرای عثمانی یوز غروش حسابیه مذکور باغچه محلی ایکبوز و اخور محلی یدیوز الی و عرصه اوچیک بشیوز غروش که جمعاً درت بیک درت یوز الی غرو شده طالبی عهده سنده تقرر ایلدیکندن املاک مذکوره به بدل مقرر لر دن فضله یعنی یوزده بش ضمیمه طالب اولنلرک تاریخ اعلانن او توز برکونه قدر در سعادت بدایت محکمه سی اجرا دائره سنه مراجعت الملری اعلان اولنور  
فی ۱۴ شباط سنه ۹۸

متوفی یوسف اغانک روسیه دولتی تبعه سندن سیمینوفه اولان دیون محکومه سندن تسویه سی چون مر هون بولنان بیو کدرده بیو کدره جاده سنده چار جامع شریفی اتصالنده اون نومرولی مقدما خانه والیوم سمرجی دکانی عرصه سیله بکر بکنده قره اغا چلر جوارنده کو پلجه جاده سنده بر طرفدن طاوشانلی باغی و بر طرفدن مؤذن عمر افندی باغی و بر طرفدن مزارستان جدید و طرف رابعی طرف ایله محدود

یکرمی سکرز نومرولی برقطعه باغ بوندن مقدم موقع مزایده به قونیه رق عثمانلی لیراسی یوز غروش حسابیه سالف الذکر عرصه بیک بشیوز و باغ دخی اون یدی بیک غروش بدلر ایله طالبی عهده سنده قلش و تاریخ اعلانن اعتباراً او توز برکون یعنی کله جک مارتک اون یدنجی پنجشنبه کونی ساعت اون قدر یوزده بش ضم قبول اولنهرق ذکر اولنان یوم و ساعتن صکره ارتق هر نه ضم وقوع بولور ایسه قبول اولنمیوب قرار قطعیمی و بر یله رک طالبی عهده سنده کچورلمسی مقرر بولنش اولدیغندن یوزده بش ضمیمه املاک مذکوره به طالب اولنلرک ودها ز یاده معلومات المی استیانلرک مدت مر قومه ظرفنده محکمه تجارت اجرا دائره سنه مراجعت الملری اعلان اولنور

فی ۱۵ شباط سنه ۹۸

تبعه دولت علی دنگ اندون تملک خرستوتامل نام کیسه به اولان دیون محکومه سندن تسویه سی ایچون مدیون مر قومک غلطه ده سلطان یازید محله سنده قلیج علی پاشا جامع شریفی جاده سنده یتیش بش نومرولی بر باب عشجی و خوشابجی و چور بابجی دکانک کدکلرندن یوز یکریمی سهم اعتبار یله ایکی حصه سی تاریخ اعلانن اعتباراً اون بش کون صکره موقع مزایده به قونیه جفندن اشتراسنه طالب اولنلرک ودها ز یاده معلومات المی استیانلرک محکمه تجارت اجرا دائره سنه مراجعت الملری اعلان اولنور  
فی ۲۱ شباط سنه ۹۸

متوفی نظیف اغا باجت شرعیه و صلیسی اولدیغی خالد خانمک مالندن استندانه ایتدیکی مبالغ معلومه

مذکورہ نظر فندہ اسکدار ہدایت محکمہ سی اجرا  
دائرہ سنہ مراجعت ایللری اعلان اولنور

یانی اداما پولوس و اناستاسیا و قالیبوی و آئینہ نک اونیک  
داودیان افندی بہ اولان دیون محکومہ لریک تسویہ۔  
سیچون مدیونان مرقوماندن قالیبوی ایله آئینہ نک  
غلطہ دہ سلطان بایزید محلہ سنہ بلبیل زقاندہ واقع  
قرقیدی نومرولی بر باب دکانک اون ایکی حصہ  
اعتبار یلہ متصرف اولدق لری ایکی حصہ سی تاریخ  
اعلاندن اعتباراً اون بش کون صکرہ موقع  
مزایدہ بہ قونیلہ جفندن اشتراسنہ طالب اولنلرک  
ودھا زیادہ معلومات المق استیانلرک محکمہ تجارت  
اجرا دائرہ سنہ مراجعت ایللری اعلان اولنور

فی ۱۸ شباط سنہ ۹۸

بوزانت ارا کلیانک اونیک داودیان افندی بہ اولان  
دیون محکومہ سنک تسویہ سیچون مدیون مرقومک  
حیدر جوارندہ عاشق پاشا محلہ سنہ حیدر جادہ سنہ  
یتیمش اوچ نومرو ایله مرقم متصرف اولدیغی بر باب  
کرچجی دکانک ملک و کدکندن ربع حصہ سی  
تاریخ اعلاندن اعتباراً اون بش کون صکرہ موقع مزایدہ بہ  
قونیلہ جفندن اشتراسنہ طالب اولنلرک و دھا زیادہ  
معلومات المق استیانلرک محکمہ تجارت اجرا دائرہ سنہ  
مراجعت ایللری اعلان اولنور

فی ۱۸ شباط سنہ ۹۸

مطبعہ عامرہ دہ طبع اولندی

مقابلندہ ادرنہ قبوسی خارجندہ بیرام پاشا قربندہ  
قاسم اغا بوستانی دیمککہ عرف بر باب بوستان  
درونندہ موجود متصرف اولدیغی الی سهم کدک  
حصہ شایعہ سنی صغیرہ مزبورہ عہدہ سنہ بارای  
متولی وفاء فراغ ایلدیکندن و متوفای مرقومک  
ورثہ سی ( زریفہ ) و ذوالفقار خانلرک دخی  
اقامتکاهلری مجهول بولندیغندن بمثلہ مرهون  
مذکورک فروختیلہ بدلندن تسویہ دین ایتدیلمسی  
وصی شریفہ خانمک و کیلی محمود افندی طرفندن  
با عر ضحال ادعا اولمش و طقسان طقوز سنہ سی  
مارتنک اون بشجی صالی کونی ساعت بشده امر  
محاکمہ نک اجراسی مقرر بولمش اولدیغندن مزبور تانک  
یوم مذکورده یا بالذات محکمہ بہ کلری و یا خود  
طرفلرندن مصدق سندله وکیل کوندرملری ایجاب  
ایدوب عکسی حالندہ مدعینک طلبیلہ حقلرندہ معاملہ  
نظامیہ سنک اجرا قلندہ جفی اصول محاکمہ حقوقیہ  
قانون موقتک یکرمی التبحی ماده سنک ققرہ اخیرہ سی  
حکمنہ توفیقاً اعلان اولنور

فی ۲۳ ربیع الآخر سنہ ۱۳۰۰ و فی ۱۹ شباط سنہ ۹۸

ابراہیم ادہم افندی نک عزتلو عبدالقادر افندی ذمتندہ  
با اعلام الہ جفی اولان مبالغ معلومہ دن طولانی  
مدیون مومی البهک درسعادندہ صمان ویران ثانی  
محلہ سنک خان ارقہ سی زقاندہ بش نومرولی تخمیناً  
ایکیوز التمش ارشون عرصہ دہ اولان ربع حصہ سی  
بالمزایدہ لیرا یوزغروش حسابیلہ اوچبیک غروش بدل  
ایله طالبی عہدہ سنہ تقرر ایدرک تاریخ اعلاندن  
اعتباراً اونوز بر کون صکرہ قرار قطعیمی ویریلہ چکنندن  
یوزدہ بش ضمیمہ زیادہ بہ طالب اولنلرک مدت

بہ نصیباً نظیر اولیہ و ثانیہ

176

ملاحظات	نوع مصارفات	تحقق ایدین	
		طقن اسکرینینگ	طقن ایدی سنس
	مفسد		
	سعی عمومی و مساوری		
	حساب طابقی		
	اجرا مائوری		
	بنا سار		
	اوطه جید		
	اشیاء فکری هینی		
	مرکز ولایت بریت فکری هینی		
	الویه		
	قضا		
	زین سیر و طبعات تنوع		
	موقوفات		
	خبراء		
	اجارات		
	تعمیرت و مفروقات		
	بکون		

ملاحظات	نوع واردات	تحقق ایدین	
		طقن ایدی سنس	طقن اسکرینینگ
	محکم نظایب حاصلاتی		
	محکم شرعی		
	از غیر عادات و مقاولات محرری حاصلاتی		
	بکون		
	مؤزیه مسترز به توقف اولم جبر بوزده سیر و سار		
	بکون		